

















宋文歸目錄

卷六

李觀上富舍人書

李觀上宋舍人書

李觀內治策第一

李觀內治策第四

李觀安民策

李觀富國策

李觀國用策





李觀防蔽

李觀備亂

李觀常語

李觀野記二篇

邵雍無是公傳

邵雍戒子孫

唐介澤州通判謝上表

包拯請罷天下科率

包拯論委任大臣



蘇洵上韓樞密書

蘇洵上歐內翰書

蘇洵辨姦論

蘇洵諫論下

蘇洵子貢論

蘇洵項籍論

蘇洵送石昌言為北使引

蘇洵族譜亭記

蘇洵木假山



宋文歸目錄卷六終



宋文歸卷之六

竟陵鍾惺伯敬父評選

古吳顧夢麟麟士父叅閱

李觀上富舍人書

舍人執事。士之不見禮於世久矣。古之君子以天下為務。故思與天下之明共視。與天下之聰共聽。與天下之智共謀。孳孳焉。惟恐失一士。以病吾元元也。如是安得不急於見賢哉。後之君子以一身為務。故思以一身之費。窮天下之壽。以一身之富。盡天下之祿。以一身之能。擅天下之功。名望望焉。唯恐人之先已也。如是誰暇於求賢哉。噫。

茅坤曰從  
來如賢  
能皆此等  
念頭釀成



乎天下至公也。一身至私也。循公而滅私。是五尺童子咸知之也。狀  
而鮮能者。道不勝乎欲也。今夫卜相下執。先民之所不齒者也。而所  
居之室。重冠累蓋。名卿大人引領而願見。若飢之食焉。以其能言已  
之禍福故也。士之能言天下國家之禍福。而未嘗有人求見焉。門未  
入而閤人拒之者有矣。謁既上而辭以事者有矣。或貌若恭而情不  
在焉。或言雖交而意不通焉。遇之以常人。問之以常事。一面而太有  
如道路。吁。可怪也。彼卜相之言禍福。受之天而不可變者也。雖其知  
之無益於事。士之言禍福在乎人。而足以有為者也。幸而聞之。則禍  
可轉而為福。危可復安。亂可復治。茲有益之大也。貴無益而賤有益。



為一身而忘天下。果其人之忠直賢邪。有志之士。果宜瑣瑣於其間。邪。觀遠方之人。弛檐都下。再期月矣。惟其山林之性。而魚鳥之心。懼取辱於形勢之塗。非舊相識。曾未敢踵其門。將求夫有古君子之道者。而為之依歸。尚未能也。今者友人董士廉自陳之秦。相遇於道。既稱執事之德。高出於世。且言誤聽嘗得區區之姓名。有與進之意。伏而思之。以執事之負雄材。得美仕。是於其心。靡有所不足矣。而以艸茅之微。寔在齒牙。豈非有古君子之道。以天下為務。而急於見賢者乎。觀雖非賢焉。敢自匿。故茲浣濯衣冠。請問左右。竊念觀資櫟不美。其生三十餘年。所務惟學。所好唯經。於當時之文。誠未有以過人者。



至若周公之作孔子之述先儒之所未達歷代之所不行者嘗用功  
焉其志將以昭聖人之法極王道之綱製為圖書以備施用明王有  
作舉而措之四海之內庶乎斯民之復有知也不幸寒餓之鋒劫而  
去之有懷未果中夜長嘆今茲廟簋艸具略有存者旅窮無資弗及  
繕錄執事若於暇日賜之從容當挈其一二陳諸座隅必有可觀者  
矣○可○古○之○所○謂○知○已○者○信○其○道○也○非○後○利○其○身○也○不○朕○何○山○之○深○而  
不○可○廬○何○水○之○廣○而○不○可○魚○著○書○傳○道○求○聞○於○後○世○不○猶○愈○於○碌○碌  
食○衆○人○之○食○乎○不○宣○觀○慚○汗○再○拜○

鍾惺曰高論聳聽使人肅然不敢輕士



葛寓曰。幾於高視大言矣。然措詞結韻。自見醇致。







李觀上宋舍人書

修撰舍人執事。觀不肖。竊謂文之於化人也深矣。雖五穀八音。或雅或鄭。納諸聽聞。而淪入心竅。不是過也。嘗試從事於簡策間。其讀虛無之書。則心頽狀而厭於世。觀軍陣之法。則心奮起而輕其生。味縱橫之說。則思譎詭而忘忠信。熟刑名之學。則意苛刻而泥廉隅。誦隱遁之篇。則意先馳於水石。詠宮辭之辭。則志不出於區區。文見於外。心動乎中。百變而百從之矣。諒非淳氣素具。通識旁照。則為其所敗。壞如覆手耳。韓子有言曰。儒以文亂德。豈謂是乎。狀則聖君賢輔。將以使民遷善而遠罪。得不謹於文哉。



鍾惺曰。論文。字移人甚細。然非有血性。鍾情之人。不知此味。



李觀內治第一

譚元春曰  
是常理也  
是奇論

男女之際。人道所重。前哲固備言矣。狀而賢妃相成之道。不世出。亂  
國家者。往往而是。蓋婦人之性。鮮克正也。陰則昧。柔則弱。昧不足自  
見。弱不足自立。與物而遷。宜情忘反。其辭一也。堯試舜。觀厥刑於二  
女。釐降二女於嬀。汭嬀于虞。以堯之女。其淵源非不善。尚曰舜能以  
義理下其心。是無聖人為之耦。則不克使其行婦道也。彼凡人子而  
不漸以教。摩以禮。其可乎哉。今夫數口之家。猶以嬀傾。或靡救財利。  
或離析骨肉。速刑召禍。至無可救者多矣。况乎后妃同體於王。其次  
嬪御亦可愛。幸一發言一舉事。足以旋轉天地。薄蝕日月。其為禍福。



陳仁錫曰  
言難養  
數語盡之

可勝言哉。貴則為驕。富則為侈。竝寵則妬。不答則怨。憎則有讒言。愛則有私。謁府庫。或為之空。刑賞。或為之濫。姦邪。或為之昌。忠良。或為之剝。宗室。或為之棄。家嗣。或為之易。惟薄。或為之不修。社稷。或為之不食。妹喜之放桀。妲己之殺紂。此類豈少哉。故內宰以陰禮教六宮。陰禮。婦人之禮。六宮。謂后也。又以陰禮教九嬪。不言教夫人。世嬪舉中。以見上下省父也。又以婦職之法教九御。使各有屬。以作二事。正其服。禁其奇。衰展上功緒。九嬪掌嬪學之法。以教九御。婦德。婦言。婦容。婦功。后尊也。不得。不受教。女御卑也。而教亦及之。在王宮者。不可不知禮也。如使后夫人九嬪世婦女御。皆受教。皆如禮德。皆正言。皆



順無治容。無廢功。無侈服。無衰道。則閨門之內。何有不肅。溥天之下。何有不化。關雎之不淫。葛覃之躬儉。樛木之無嫉妬。螽斯之多子孫。卷耳之輔佐求賢。兔置之莫不好德。於斯見矣。王道安得不成乎。鍾惺曰。寫婦人柔媚性情。文甚奇特。然失之性而求之教。自是聖賢正論。



文真

卷六

集賢堂



譚元春曰  
妙於窺聖  
八之微

李靚內治第四

女御掌御叙於王之燕寢凡群妃御見之法月與后妃其象也卑者  
宜先尊者宜後十五日而徧自望後反之其不使九嬪世婦掌之而  
使女御者防上之專妬也蓋以女御官卑不敢嫉妬自專則九九之  
法行矣九九之法行則內無怨女而子孫衆多矣夫飲食男女人之  
大欲一有失時則為怨曠七月女心傷悲東山婦葉於室君子擇於  
人情周道所以興也安得聚少艾之色幽於深宮之中而無進御之  
路則其性情之所感動何如哉四時何以能和百神何以降福至於  
繼嗣社稷之重事甚有寵之人或不宜子非廣其禮將無及也霍光



高麗曰文  
字奇曉有  
取言之弊

欲上官皇后擅寵有子。雖宮人使令皆為窮終多其帶後宮莫有進  
者。而昭帝無嗣。成帝約不負趙昭像掖庭中御幸生子者輒死。飲藥  
傷墮者無數。終以國統三絕。王莽篡之。愛有所偏之過也。薄姬輸織  
室而生孝文。為漢太宗。晉簡文寵徐貴人。彌年無子。李后在織坊形  
長色黑。謂之炭窑帝。以大計召之。乃生孝武。天命所在。不以貴賤美  
惡論也。狀則九九而御使無專妬者。聖人之意遠矣。

鍾惺曰。情也。而禮生焉。禮也。而情在焉。不讀此。不知聖人用意之  
妙。



李觀安民策第二

或曰。今茲京師。首善每歲論秀士矣。轉而從德行其可也。而州郡之學。已荐引之矣。欲一取之何如。曰。教而用之。學校之興於古也。不教而用之。選舉之隆於今也。教則易為善。善而從正。國之所以治也。不教而易為惡。惡而得位。民之所以殃也。試者其言也。用者其行也。言有偽善。則取之矣。行有真惡。弗可得而知也。狀而授以搯柄。加之人上。是以赤子之內。投畀虎穴也。况綉績雕琢之文。又不足以為善言乎。則其疇筭之志。風夜之學。瀝盡於數刻之試。而胸中未始有一毛可為效官之資也。禮儀則習於同列。政辭則咨於老吏。自受爵之日。

鍾惺曰說  
得可鄙可



為學制之始。奈何欲致治興化也。惟今太學論士。既不觀德行矣。而  
學士之版。後記姓名而已。求試而來。報罷而去。以天子之辟雍。與諸  
生假道而過耳。郡國雖或興學。而士之進取。罔繇於此。是皆存學之  
名。失學之寔也。按唐制。自京師郡縣。皆有道焉。每歲仲冬。課試其成  
者。長吏會屬僚。設賓主。陳俎豆。簡管弦。牲用少牢。行鄉飲酒禮。歌鹿  
鳴之詩。召耆艾。叙少長。而觀焉。既餞。而與計偕。其不在學而舉者。謂  
之鄉貢。此近古勸求之法也。而一出課試。不繇行寔。亦同歸於弊矣。  
為朝廷之計。莫若斥太七館。使薦紳之族咸造焉。增修州學。使士庶  
人之秀。咸在焉。擇賢以為之師。參經以為之業。限以積久。毋得擅太。



日觀其德月課其執。賢邪？非一時之賢。久居而不變，乃其賢也。能邪？非一時之能。歷試而如一，乃其能也。如是而得人不精，未之信也。其有急於研養，或素已成就，不在學者，則循舊貢舉，先其名譽，後其課試。舉之非一人之舉，必鄉曲共舉也。用之非一人之用，必天下共用也。如是而得人不精，亦未之信也。古者諸侯貢士，一選謂之好德，再選謂之賢，三選謂之有功，迺加九錫，不貢士一則絀爵，再則削地，三則絀爵削地，畢矣。誠能以得士為賞，失賢為罰，則羣下孰不一意於登舉乎？尚慮有遺，則莫若使大臣得舉所知。漢法三公大將軍皆開府辟召，豈虛言哉？或曰：嚮者亦嘗先名譽而故課試矣，以其進者



濫而取者松也。今而復之其可乎。曰進皆有濫。聖賢有私。顧其利害何如耳。糊其名而易其書。有司不得輕重。為是吏之公也。君子之道不逞於童子之雕蟲。是漆之私也。以名取之則亦反是矣。吏之私者則刑可速也。漆之私者雖聖人因之。未如之何矣。此賢者所以日削教。所以不競也。惟解而更張之。乃為邦之盛節也。

茅坤曰。世有伯樂。不患無千里馬。若以雕綉之文為善言。則必以矯飾之行為美德。倘薦舉而不失賢。則掄文又何嘗不得士耶。吁。江此論。殆亦吾夫子聽言觀行之極思歟。



李觀富國策第六

論非矯

古人有言曰穀甚賤則傷農貴則傷末為農常糶而末常糶也此一切之論也愚以為賤則傷農貴亦傷農賤則利末貴亦利末蓋農不常糶有時而糶也末不常糶有時而糶也以一歲之中論之大抵歛時多賤而種時多貴矣夫農勞於作處於病也愛其穀甚於生也不得已而糶者則有繇焉小則具服器大則營昏喪公有賦役之令私有稱貸之責故一穀始熟腰鉤才解而日輸於市為糶者既多其價不得不賤賤則賈人乘勢而罔之輕其幣而大其量不狀則不售矣故曰歛時多賤賤則傷農而利末也農人倉廩既不盈實害既不寔



勞中曰富  
成家之基  
使人心惻

宋文公

卷六

集賢堂

多○或○數○月○少○或○旬○時○而○用○度○竭○矣○土○將○生○而○或○無○種○也○耒○耨○而○或○  
無○食○也○於○是○乎○日○取○於○市○焉○糴○者○既○多○其○價○不○得○不○賈○貴○則○賈○人○乘○  
勢○而○閉○之○重○其○幣○而○小○其○量○不○狀○則○不○予○矣○故○曰○種○時○多○貴○賈○亦○傷○  
農○而○利○末○也○農○之○糴○也○或○闔○頃○而○收○連○車○而○出○不○能○以○足○用○及○其○糴○  
也○或○倍○稱○賤○賣○穀○室○伐○封○不○能○以○足○食○而○坐○賈○常○規○人○之○餘○幸○人○之○  
不○足○所○為○甚○逸○而○所○得○甚○饒○此○農○所○以○困○窮○而○末○所○以○兼○恣○也○易○繫○  
辭○曰○何○以○聚○人○曰○財○理○財○正○辭○禁○民○為○非○曰○義○財○者○君○之○所○理○也○君○  
不○理○則○蓄○賈○專○行○而○制○民○命○矣○上○之○澤○於○是○不○下○流○而○人○無○聊○矣○此○  
平○糴○之○法○有○為○而○作○也○管○仲○行○於○齊○李○悝○行○於○魏○耿○壽○昌○行○於○漢○國○



不失寔人獲其利自晉迄隋時或興廢厥聞未昭唐天寶中天下平  
糴殆五百萬斛茲全盛之事也大宋受命將百率矣穀入之藏所在  
山積平糴之法行之久矣蓋平糴之法行則農人秋糴不甚收春糴  
不甚費大賈蓄家不得豪奪之矣而官之出息常什一二民既不困  
國且有利茲古聖賢之用心也狀其所未至則有三焉穀少也道遠  
也吏奸也一郡之糴不數千萬其餘畢入於賈人至春當糴寡出之  
則不足於飢也多出之則可計日而盡也於是賈人深藏而待其盡  
盡則權歸於賈人矣是數少之弊也倉儲之建皆在郡治縣之遠者  
或數百里其貧民多糴則無資少糴則非可朝行而暮歸也故終弗



得而食之矣。是道遠之弊也。舉掌之人。政或以賄。槩量不均。行濫時有。及其出也。或減焉。或糴焉。名曰裁價。寔則貴矣。是吏奸之弊也。今若廣置本泉。增其糴數。則蓄賈無所專利矣。倉儲之建。各於其縣。則遠民可以得食矣。中命州部。必使廉能。則奸吏無以侵刻矣。如此利國便人事。可經久。是謂通輕重之權。不可不答。

鍾惺曰。平糴一法。固重農抑末之美意也。然無奈農自貧而末自富。使末不為藏蓄之利。則農糴無所糴。糴無所糴。而其苦更甚。嗟乎。為民上者。其亦不違農時。使穀不勝食。斯上矣。



李觀國用第十六

大同後以保息六養萬民六曰安富謂平其繇役不專取也大哉先  
王之法其所以有天下而民不斂者乎孔子謂既庶矣富之既富矣  
教之管子有言倉廩實知禮節衣食足知榮辱狀則民不富倉廩不  
實衣食不足而欲教以禮節使之趨榮而避辱學者皆知其難也及  
其為國家則有反是者矣田管可畔也桑管可蠶也林管可飭也貨  
皆可通也獨以是富者心有所知力有所勤夙興夜寐攻苦食淡以  
趣天時聽上令也如此而後可以為人之民反疾惡之何哉疾惡之  
則任之重求之多勞必於是費必於是富者免何其不黜而貧也使

鍾惺曰所  
以疾富只  
是俗吏不  
知大体誤



記君民作  
而截耳說  
破其妄自  
見

天下皆貧則為之君者利不利乎故先王平其繇役不專取以安之  
也漢武帝時算賈人之繇匿不自占占不悉成邊一歲沒入繇錢有  
能告者以其半與之即治郡國繇錢得民財物以億計奴婢千萬數  
田大縣數百頃小縣百餘頃宅亦如之商賈中家以上大民破民媮  
甘食好衣不事畜藏之業當足之時天下何其不亡者得也世俗  
不辭是非不別淋憲區區以擊彊為事噫富者乃彊耶彼椎埋而誅  
者果何人也

葛寓曰疾富民以為擊強雖賢者猶不免此篇字字針砭



李觀防蔽

人主不知亂作者。左右蔽之也。彼豈不愛於君。卒其滅亡耶。蓋懼誅耳。平居以佞邪席其身。養君之欲。迎君之非。君有問焉。必曰安於泰山也。狀而亂且起。國且危。是筭者欺吾君也。君一怒焉。則死不得頃。於是續君之耳。不使聞危。亂姑緩。吾故何暇慮。長久也。陳後主之沈客卿。隋煬帝之虞世基。勢敵之狀。冒足怪也。故邪臣非不愛其君。不得其事。君之道也。昏主非不愛其國。不得其守國之術也。不得事君之道者。始不正也。不得守國之術者。終不明也。若曰臣之愛卜而終用之。不照之以明。則雖欲孝宗廟。其如宗廟何。



鍾惺曰看得人情透甚

127



李觀論亂

治之民思亂。亂之民思治。何也。生無事之時。身安而意侈。刑弛矣。急之則驚。欽輕矣。加之則怨。力未嘗闢。自謂勇心。未嘗謀。自謂智。知兵之利。而未見兵之害。小不得意。則欲翼而飛矣。故曰。治之民思亂也。處多難之世。城者不肆。野者不稼。彊者僵於戰。弱者斃於餓。父母妻子。劫束屠膾。狀後見兵之害。而不獲兵之利。卒而有主。則將兩其稿矣。故曰。亂之民思治也。思治矣。雖中才可得其歡。思亂矣。非聖人不能弭其漸。大禹之戒曰。予臨飛民。慄乎若朽索之馭六馬。故智者慮亂於治。愚者謂治不復亂。悲哉。



鍾惺曰胸中眼中了了狀故筆下鬚眉肝膽俱見



李觀常語

鍾惺曰論  
得正辨得  
明

或問自漢迄唐。孰王孰伯。曰天子也。安得伯哉。皇帝王伯者。其人之  
號。非其道之目也。自王以上。天子號也。惟其所自稱耳。帝亦稱皇。書  
曰。皇帝清問下民。是也。王亦稱帝。易曰。帝乙歸妹。是也。如其優劣之  
云。則父王武王劣於帝乙者乎。伯諸侯號也。伯之為言。伯也。所以長  
諸侯也。豈天子之所得為哉。道有粹有駁。其人之號。不可以易之也。  
世俗見古之王者粹。則諸侯而粹者。亦曰行王道。見古之霸者駁。則  
天子而駁者。亦曰行霸道。悖矣。宣帝言漢家制度。本以伯王道。雜之  
繇此也。人固有父為士子為農者矣。謂天下之士者曰行父道。謂天



孫鑲曰字  
字精遠

下之農者曰行子道可乎父雖為農不失其為父也子雖為士不失  
其為子也世俗之言王伯者亦猶是矣若夫所謂父道則有之矣慈  
也所謂子道則有之矣孝也所謂王道則有之矣安天下也所謂  
道則有之矣尊卑師也非粹與駁之謂也或曰詩人以后稷先公致  
王業之艱難其非諸侯矣乎曰武王既得天下詩人迹其世世修德  
始於后稷公劉以至於太王王季文王故云爾也當商之未喪誰有  
此言乎如使紂能悔過武王不得天下則文王之為西伯伯之盛者  
而已矣西伯伯而粹桓文霸而駁者也三代王而粹漢唐王而駁者  
也



葛陂曰正名最確而文特鬆快







李觀野記二篇

予居東郊外耳目所得有可以為世戒者作野記二篇

詞克春曰  
雋秀可挹

里之氓有慕都邑之侈者以其畜牛易人之乘馬既數歲矣土田之  
腴舍牛而不獲倉廩秣粟耗於馬腹飢餓且不救而馬之能卒無益  
於甌釜噫今之絕故賤而受新勢忽講習而嚮奔走有不病其田而  
空其莽粟者乎

春陽既作草之百名生於穹陵於絕澤於不迹之地霧雨所盪風氣  
所弄苗堅蔓驕生理自若舍是而入田畝者則根與稻爭潤葉與粟  
誇暖角長等碧疑過者之目農人之父病其為稼害也掘而去之不



遺○種○火○變○水○腐○狼○籍○道○側○願○為○糞○土○蕪○弗○可○得○矣○噫○安○爾○類○計○爾○材○  
不○自○齒○於○嘉○穀○則○奚○禍○之○來○

鍾○惺○曰○風○肯○吟○狀○有○莊○生○秋○水○之○致○



邵雍無名公傳

夫無名者不可得而名也。凡物有形則可罷。可罷斯可名。狀則斯人無辭乎。曰有體有辭而無跡者也。斯人無用乎。曰有用有用而無心者也。夫有跡有心者斯可得而知也。無跡無心者雖鬼神亦不可得而知不可得而名。而況於人乎。故其詩曰。思慮未起鬼神莫知。不由乎我。更由乎誰。能造萬物者天地也。能造天地者太極也。太極者其可得而知乎。故強名之曰太極。太極者其無名之謂乎。故嘗自為之贊曰。借爾面貌。假爾形骸。弄凡餘暇。閒往閒來。人告之以修福。對曰。吾未嘗不為善。人告之以禳災。對曰。吾未嘗妄祭。故詩曰。禍如許。免。



人須諳福。若待求天可量。又曰。中孚起信。寧煩禱。無妄生災。不易穰。  
性喜飲酒。常命之曰。太和湯。詩曰。不佞禪伯。不諛方士。不出戶庭。直  
際天地。家素業為儒。口未嘗不言儒言。身未嘗不行儒行。故其詩曰。  
心無妄思。足無妄走。人無妄交。物無妄受。炎炎論之甘處。其陋綽綽。  
言之無出其右。羲軒之書。未嘗出手。堯舜之談。未嘗虛口。當中和天。  
同樂易友。吟自在詩。飲歡喜酒。百年休平。不為不偶。七十康強。不為  
不壽。此其無名公之行乎。

鍾惺曰。自寫至人行徑。文雖近俚。而情實可貴。每誦一過。銷絕許  
癡妄。



邵雍戒子孫

上品之人。不教而善。中品之人。教而後善。下品之人。教亦不善。不教而善。非聖而何。教而後善。非賢而何。教亦不善。非愚而何。是知善也者。古之謂也不善也者。凶之謂也。吉也者。目不觀。非禮之色耳。不聽非禮之聲。口不道。非禮之言。足不踐。非禮之地。人非善。不交物。非善不取。親賢如就芝蘭。避惡如畏蛇蝎。或曰。不謂之吉人。則吾不信也。凶也者。語言詭譎。動止陰險。好利飾非。貪淫樂禍。疾良善如讐隙。犯刑憲如飲食。小則殞身滅性。大則覆宗絕嗣。或曰。不謂之凶人。則吾不信也。傳有之曰。吉人為善。惟日不足。凶人為不善。亦惟日不足。故



等欲為吉人乎。欲為凶人乎。  
鍾惺曰。以善惡論吉凶。妙理。參大易之微。不可作老生常談忽之。



唐介潭州通判謝上表

始竄嶺南人皆謂之必死及遷湖外恩實出於再生仍復前官俾關  
郡政仰叨成命增激微衷切念臣寒素立身孤直無援歷官再紀才  
貳郎曹入朝踰年幸無風憲臣自以逢聖明之治當言責之司祇知  
忠義以事君不顧患禍之及已凡所上奏必盡至公流輩為臣寒心  
姦邪見臣切齒臣本欲為耳目於陛下勉副簡求不能效鷹犬於它  
人以希進用心雖無媿迹已甚孤屬權臣之擅朝肆已私而害政輒  
輸忠款冀補涓塵陛對之間未能悉意天威之下卒莫自明得罪一  
時竄身萬里流離遠道殆及期年擯棄遐荒分甘散秩豈謂皇帝陛



下存國大體。察臣愚忠。欲招諫者之言。免為後來之誠。三推皇澤。特與一官。以邕廣之寇攘。擇湖湘之守倅。俾從征筦。得佐郡符。狀臣粗識義方。薄知臣節。納忠獲罪。顧百謫以誠。甘盡瘁報君。雖九死而不悔。謹當益勤官守。以助軍興。夙夜以思。冀免於敗事。毫分有補。少答公大恩。

鍾惺曰。忠臣氣骨。不為遷謫少貶。讀之起敬。



茅坤曰  
此  
與洞賦

色極請罷天下科率

臣伏見自西寇已來。急於饋運。常賦之外。調發相繼。天下民力。殆已竭矣。且先朝當契丹未請盟之時。宿兵兩路。干戈日尋。詎聞有今之搔動乎。蓋郡縣長吏。鮮得其人。或遇非次。配率競效。苛刻貪官。猾吏緣以為奸。乘釁誅求。不知紀極。轉運提刑。又不能察其賦否。各徇顏情而已。且民者國之本也。財用所出。安危所繫。當務安之。為急。安之在精擇郡守縣令。及漸絕無名之率。爾若乃橫歛不已。人懷危慮。或因歲之饑饉。以吏之殘酷。相應而起。塗炭海內。此乃心腹之患。況已萌之。此可不深慮乎。臣欲乞今後應係軍需所用之物。竝今三司預



先計度於出產州郡置場收買。或非次急切。須至配率者。亦乞勘會。各於出產路分。專委逐處長吏。於形勢物力。戶內等第均配。仍委知州通判。親自監納。兼令轉運提刑。專切提舉。體量稍有違越。竝乞重行朝典。所貴重困之民。漸獲蘇息。

鍾惺曰。自是隱憂遠慮。不獨言之仁也。



包拯論委任大臣

臣嘗讀漢書谷永傳曰。帝王之德莫大於知人。誠哉是言也。夫王者  
端居嚴廊之上。垂拱而仰成者。以能知人能官人使之狀。爾或異於  
是。則雖堯舜之焦勞癰瘡。亦不能成無為之化也。伏惟陛下。以明睿  
之姿。勵精求治之切。中外臣僚才與不才。固無有能逃聖鑒者矣。且  
丞弼之重。竊為今之極選。而治亂繫焉。若乃挺朕盡心。敢任天下之  
責者。即當委而付之。設或拱默取容。以徇一身之利者。亦當罷而去  
之。惟在陛下神機洞照。甄別而信任之。爾若任而不擇。擇而不精。非  
止不能為治。抑所以為害矣。夫近臣中素有公望實才。眾所謂賢者。



茅坤曰好  
黨是公所  
愿故言之  
獨切

陛下既得而知之。亦宜亟耀而用之。若知而不能用。用而不能盡其  
才。何以致理哉。不可以邊陲不寧。怙狀便謂無事。況諸路饑饉相繼。  
財用不足。府庫虛竭。士卒驕惰。振舉紀律。杜絕萌漸。正是可為之時。  
固宜恭用賢者。助成治體。此尤不可緩也。大抵今之居位者。挾奸佞。  
則蔽善。而背公溺愛。憎則賣直。而嫁禍誦。狀但以勢利相軋。苟得  
無耻。豈有援賢進能之意乎。儻令如是。革比肩茲進。而望風俗日益  
美教化日益成。其可得哉。論者皆曰。今若以廉直退讓有才之士。擇  
焉而用。置諸左右。則向日之失立可矯正。而邪誦苟且忌刻姦險之  
徒。當不令而去矣。陛下何憚而不為哉。臣以孤賤之統。叨居言責之



任圖所以為報者。惟思傾竭愚慮。庶上裨聖政。萬分之一。願陛下少  
留神明。則天下蒙幸。  
鍾惺曰。以知人畜君。蓋臣之極思也。



宋之

卷六

集賢堂







